



Абай облысы әкімдігінің
2025 жылғы «09» ноясында
№ 89 қаулысына
қосымша

«Абай облысының білім басқармасы» мемлекеттік мекемесі туралы ереже

1. Жалпы ережелер

1. «Абай облысының білім басқармасы» мемлекеттік мекемесі (бұдан әрі – Басқарма) өз құзыреті шегінде облыстың білім беру саласында басшылықты жүзеге асыратын Қазақстан Республикасының мемлекеттік органы болып табылады.

2. Басқарма өз қызметін Қазақстан Республикасының Конституциясына және заңдарына, Қазақстан Республикасының Президенті мен Үкіметінің актілеріне, өзге де нормативтік құқықтық актілерге, сондай-ақ осы Ережеге сәйкес жүзеге асырады.

3. Басқарма мемлекеттік мекеме ұйымдық-құқықтық нысанындағы заңды тұлға болып табылады, Қазақстан Республикасының Мемлекеттік Елтаңбасы бейнеленген мөрі және мемлекеттік тілде өз атауы бар мөртабандары, белгіленген үлгідегі бланкілері, Қазақстан Республикасының заңнамасына сәйкес қазынашылық органдарында шоттары бар.

4. Басқарма азаматтық-құқықтық қатынастарға өз атынан түседі.

5. Басқарма, егер оған Қазақстан Республикасының заңнамасына сәйкес уәкілеттік берілген болса, мемлекеттің атынан азаматтық-құқықтық қатынастардың тарапы болуға құқылы.

6. Басқарма өз құзыретінің мәселелер бойынша заңнамада белгіленген тәртіппен Басқарма басшысының бұйрықтарымен ресімделетін шешімдер қабылдайды.

7. Басқарманың құрылымы мен штат санының лимиті Қазақстан Республикасының заңнамасына сәйкес бекітіледі.

8. Заңды тұлғаның орналасқан жері: индексі 071400, Қазақстан Республикасы, Абай облысы, Семей қаласы, Абай көшесі, 76.

9. Осы Ереже Басқарманың құрылтай құжаты болып табылады.

10. Басқарманың қызметін қаржыландыру Қазақстан Республикасының заңнамасына сәйкес жергілікті бюджеттен жүзеге асырылады.

11. Басқармаға кәсіпкерлік субъектілерімен Басқарманың өкілеттіктері болып табылатын міндеттерді орындау тұрғысынан шарттық қатынастар жасауға тыйым салынады.

Егер Басқармаға заңнамалық актілермен кіріс әкелетін қызметті жүзеге асыру құқығы берілсе, онда алынған кіріс, Қазақстан Республикасының заңнамасында өзгеше белгіленбесе, мемлекеттік бюджетке жіберіледі.

2. Мемлекеттік органның мақсаттары мен өкілеттіктері

12. Мақсаттары:

1) ұлттық және жалпыадамзаттық құндылықтар, ғылым мен практика жетістіктері негізінде жеке тұлғаны қалыптастыруға, дамытуға және кәсіптік шыңдауға бағытталған сапалы білім алу үшін қажетті жағдайлар жасау;

2) жеке тұлғаның шығармашылық, рухани және дене мүмкіндіктерін дамыту, адамгершілік пен салауатты өмір салтының берік негіздерін қалыптастыру, даралығын дамыту үшін жағдайлардың жасалу жолдары арқылы ой-өрісін байыту;

3) азаматтық пен патриотизмге, өз Отаны – Қазақстан Республикасына деген сүйіспеншілікке, мемлекеттік рәміздер мен мемлекеттік тілді құрметтеуге, халық дәстүрлерін қастерлеуге, Конституцияға және қоғамға қайшы кез келген көріністерге немқұрайды қарамауға тәрбиелеу;

4) белсенді азаматтық ұстанымы бар жеке тұлғаны тәрбиелеу, республиканың қоғамдық-саяси, экономикалық және мәдени өміріне қатысу қажеттігін, жеке адамның өз құқықтары мен міндеттеріне саналы қарауын қалыптастыру;

5) отандық және әлемдік мәдениеттің жетістіктеріне баулу; қазақ халқы мен республиканың басқа да халықтарының тарихын, әдет-ғұрпы мен дәстүрлерін зерделеу, мемлекеттік тілді, орыс, шетел тілдерін меңгерту;

6) педагогтердің әлеуметтік мәртебесін арттыруды қамтамасыз ету;

7) білім беру ұйымының автономдығын, дербестігін кеңейту, білім беруді басқаруды демократияландыру;

8) оқытудың жаңа технологияларын, оның ішінде кәсіптік білім беру бағдарламаларының қоғам мен еңбек нарығының өзгеріп отыратын қажеттіліктеріне тез бейімделуіне ықпал ететін, қашықтан оқыту, ақпараттық-коммуникативтік технологияларды енгізу және тиімді пайдалану;

9) оқушылардың кәсіптік уәждемесін қамтамасыз ету;

10) жұмыс берушілермен және басқа да әлеуметтік әріптестермен белсенді өзара іс-қимыл арқылы техникалық және кәсіптік білім берудің озық қарқынмен дамуын қамтамасыз ету;

11) ерекше білім қажеттіліктері бар адамдардың (балалардың) білім алуына арнайы жағдайлар жасау;

12) балалардың құқықтары мен заңды мүдделерін қорғау.

13. Өкілеттіктері:

1) құқықтары:

өз құзыреті шегінде мемлекеттік органдардан, мемлекет қатысатын заңды тұлғалардан және басқа ұйымдар мен жеке тұлғалардан өз функцияларын жүзеге асыру үшін қажетті ақпарат пен құжаттарды сұрату және алу;

осы Ережеде көрсетілген құқықтарымен қатар, оған Қазақстан Республикасының заңнамасымен берілген басқа да құқықтары бар;

2) міндеттері:

білім беру ұйымдарында оқу-тәрбие процесін ұйымдастыру сапасын талдау;

өз құзыреті шегінде Қазақстан Республикасының «Білім туралы», «Педагог мәртебесі туралы» Заңдарының орындалуын сақтау;

өз құзыреті шегінде белгіленген тәртіпте білім беру ұйымдарының педагогтерін аттестаттаудан өткізу;

орта білім беру жүйесін ақпараттандыруды қамтамасыз ету;

жоғары тұрған органдардың тапсырмаларын орындау;

Қазақстан Республикасының қолданыстағы заңнама нормаларын сақтау;

Қазақстан Республикасының заңнамасында көзделген өзге де өкілеттіктерді жүзеге асыру.

14. Функциялары:

1) облыстың жергілікті өкілді органына білім алушылардың қоғамдық көлікте (таксиден басқа) жеңілдікпен жол жүруі туралы ұсыныстар енгізеді;

2) Қазақстан Республикасының заңнамасына сәйкес азаматтардың құқықтары мен заңды мүдделерін қамтамасыз ету жөніндегі өзге де өкілеттіктерді жүзеге асырады;

3) білім беру саласындағы мемлекеттік саясатты іске асырады;

4) бастауыш, негізгі орта және кешкі (ауысымды) оқу нысанын қоса алғанда, жалпы орта білім беру және интернат үлгісіндегі ұйымдар арқылы ұсынылатын жалпы орта білім беретін мемлекеттік білім беру ұйымдарында (қылмыстық-атқару (пенитенциарлық) жүйесінің түзеу мекемелеріндегі білім беру ұйымдарын қоспағанда) білім берудің сапасын қамтамасыз етеді;

5) тірек мектептердің (ресурс орталықтарының) жұмыс істеуін, оның ішінде олардың шағын жинақты мектептермен өзара іс-қимылын қамтамасыз етеді;

6) ауданның, облыстық маңызы бар қаланың жергілікті атқарушы органымен және білім беру саласындағы уәкілетті органмен келісім бойынша облыс аудандарының, облыстық маңызы бар қалалардың білім бөлімдерінің бірінші басшыларын қызметке тағайындайды және қызметтен босатады;

7) Қазақстан Республикасының заңнамасында, сондай-ақ білім беру саласындағы уәкілетті орган айқындаған тәртіппен ведомстволық бағынысты мемлекеттік білім беру ұйымдарының басшыларын қызметке тағайындайды және қызметтен босатады;

8) облыс аудандарының, облыстық маңызы бар қалалардың білім бөлімдерін әкімшіліктендіру және қаржыландыру функцияларын орындайды;

9) техникалық және кәсіптік, орта білімнен кейінгі білім беруді қамтамасыз етеді;

10) балаларды арнайы оқу бағдарламалары бойынша оқытуды қамтамасыз етеді;

11) мамандандырылған білім беру ұйымдарында дарынды балаларды оқытуды қамтамасыз етеді;

12) мектепке дейінгі жастағы және мектеп жасындағы балаларды есепке алуды, орта білім алғанға дейін оларды оқытуды ұйымдастырады;

13) мектепке дейінгі тәрбие мен оқытуға мемлекеттік білім беру тапсырысын орналастыруды қамтамасыз етеді;

14) облыс аумағында мектепке дейінгі тәрбие мен оқытуды, бастауыш, негізгі, орта, жалпы орта, сондай-ақ қосымша білім беруді ұйымдастырады және оған жауапты болады;

15) білім туралы мемлекеттік үлгідегі құжаттардың бланкілеріне тапсырыс беруді және негізгі орта, жалпы орта білім берудің жалпы білім беретін оқу бағдарламаларын және арнайы, мамандандырылған, қосымша білім берудің, техникалық пен кәсіптік, орта білімнен кейінгі білім берудің білім беретін бағдарламаларын іске асыратын білім беру ұйымдарын солармен қамтамасыз етуді ұйымдастырады және олардың пайдаланылуына бақылауды жүзеге асырады;

16) облыстың жергілікті атқарушы органына білім беру саласындағы уәкілетті органмен келісім бойынша аудандардың, облыстық маңызы бар қалалардың білім бөлімдерінің ұсынуы бойынша мектепке дейінгі тәрбие мен оқытуды, бастауыш, негізгі орта және жалпы орта білім берудің жалпы білім беретін оқу бағдарламаларын, балаларға арналған қосымша білім беру бағдарламаларын іске асыратын мемлекеттік білім беру ұйымдарын – мамандандырылған жалпы білім беретін және арнайы оқу бағдарламаларын, техникалық және кәсіптік, орта білімнен кейінгі білімнің білім беру бағдарламаларын іске асыратын мемлекеттік білім беру ұйымдарын Қазақстан Республикасының заңнамасында белгіленген тәртіппен құру, қайта ұйымдастыру және тарату туралы ұсыныстар енгізеді;

17) аудандардың, облыстық маңызы бар қалалардың білім бөлімдерінің ұсынысы бойынша қолданыстағы заңнама талаптарын ескере отырып, мектепке дейінгі тәрбие мен оқытуға мемлекеттік білім беру тапсырысын, сондай-ақ ата-ананың төлемақы мөлшерін облыстың жергілікті атқарушы органдарының бекітуіне енгізеді;

18) білім беру ұйымдарында орта білім беруге мемлекеттік білім беру тапсырысының мөлшерін облыстың жергілікті атқарушы органдарының бекітуіне енгізеді;

19) техникалық және кәсіптік, орта білімнен кейінгі білімі бар кадрларды даярлауға арналған мемлекеттік білім беру тапсырысының мөлшерін облыстың жергілікті атқарушы органдарының бекітуіне енгізеді;

20) жоғары және жоғары оқу орнынан кейінгі білімі бар кадрларды даярлауға арналған мемлекеттік білім беру тапсырысының мөлшерін облыстың жергілікті атқарушы органдарының бекітуіне енгізеді;

21) мүдделі ұйымдардың ұсыныстарын ескере отырып, техникалық және кәсіптік, орта білімнен кейінгі, жоғары және жоғары оқу орнынан кейінгі білімі бар кадрларды даярлауға арналған мемлекеттік білім беру тапсырысын орналастырады;

22) тиісті қаржы жылына арналған жергілікті бюджеттерде бекітілген бюджет қаражатының көлемдері шегінде балаларға қосымша білім беруге мемлекеттік білім беру тапсырысын облыстың жергілікті атқарушы органына бекітуге енгізеді;

23) тиісті қаржы жылына арналған жергілікті бюджеттерде бекітілген бюджет қаражатының көлемдері шегінде мүмкіндігі шектеулі балаларды арнайы психологиялық-педагогикалық қолдауға мемлекеттік білім беру тапсырысын облыстың жергілікті атқарушы органына бекітуге және орналастыруға енгізеді;

24) білім алушылардың ұлттық бірыңғай тестілеуге қатысуын ұйымдастырады;

25) облыстың білім беру саласындағы кадр саясатын іске асырады, сондай-ақ білім беру саласындағы уәкілетті орган айқындаған тәртіпте білім беру ұйымдарының басшыларын тағайындау үшін педагогтерді аттестаттауды, тестілеуді өткізеді және ұйымдастырады;

26) техникалық және кәсіптік, орта білімнен кейінгі білімнің білім беру бағдарламаларын, сондай-ақ мамандандырылған жалпы білім беретін және арнайы оқу бағдарламаларын (қылмыстық-атқару жүйесінің түзеу мекемелеріндегі білім беру ұйымдарын қоспағанда) іске асыратын мемлекеттік білім беру ұйымдарын материалдық-техникалық қамтамасыз етуді жүзеге асырады;

27) жыл сайын мектепалды даярлықтың, бастауыш, негізгі орта, жалпы орта білім берудің жалпы білім беретін оқу бағдарламаларын, мамандандырылған жалпы білім беретін және арнайы оқу бағдарламаларын, техникалық және кәсіптік білім берудің оқу бағдарламаларын жүзеге асыратын білім беру ұйымдары үшін оқу жылына білім беру органдары болжайтын көлемде оқулықтар мен оқу-әдістемелік кешендерді сатып алуды және жеткізуді ұйымдастырады;

28) жалпы білім беретін пәндер бойынша облыстық мектеп олимпиадаларын және ғылыми жобалар конкурстарын, балаларға арналған орындаушылар конкурстары мен кәсіби шеберлік конкурстарын ұйымдастыруды және өткізуді қамтамасыз етеді, сондай-ақ балалар мен педагогтер арасында олимпиадалар мен конкурстар өткізуді үйлестіреді;

29) облыстық деңгейде жүзеге асырылатын балаларға қосымша білім беруді қамтамасыз етеді;

30) бюджет қаражаты есебінен қаржыландырылатын мемлекеттік білім беру ұйымдарының кадрларын қайта даярлау және қызметкерлерінің біліктілігін арттыру сапасын қамтамасыз етеді;

31) балалар мен жасөспірімдерді тексеріп-қарауды үйлестіреді және психологиялық-медициналық-педагогикалық консультациялық көмек көрсетуді қамтамасыз етеді;

32) дамуында проблемалары бар балалар мен жасөспірімдерді оңалтуды және әлеуметтік бейімдеуді қамтамасыз етеді;

33) жетім балаларды, ата-анасының қамқорлығынсыз қалған балаларды, сондай-ақ жетім балалар мен ата-анасының қамқорлығынсыз қалған балаларға арналған білім беру ұйымдарының тәрбиеленушілерін белгіленген тәртіппен мемлекеттік қамсыздандыруды жүзеге асырады;

34) мектепке дейінгі тәрбие және оқыту ұйымдарына қажетті әдістемелік және консультациялық көмек көрсетеді;

35) техникалық және кәсіптік, орта білімнен кейінгі, жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарын мемлекеттік білім беру тапсырысы негізінде бітірген адамдарды жұмысқа орналастыруға жәрдемдеседі;

36) жыл сайын 15-ші сәуірге дейін білім беру саласындағы уәкілетті органға ұсынылған өтінімдерге сәйкес кейіннен жұмысқа орналастыра отырып, кадрларға, оның ішінде ауылдық жерлерде қажеттілікке өтінімдерді ұсынады;

37) білім беру мониторингін жүзеге асырады;

38) жыл сайын белгіленген мерзімдерде білім беру саласындағы уәкілетті органның ақпараттандыру объектілерінде статистикалық қадағалау деректерін жинауды қамтамасыз етеді;

39) кәмелетке толмағандарды бейімдеу орталықтарының және арнаулы әлеуметтік қызметтерге мұқтаж балаларды қолдау орталықтарының жұмыс істеуін қамтамасыз етеді;

40) кәмелетке толмағандарды бейімдеу орталықтарында және арнаулы әлеуметтік қызметтерге мұқтаж балаларды қолдау орталықтарында ұсталатын адамдарға жағдайлар жасауды қамтамасыз етеді;

41) облыстың білім беру ұйымдарында қамқоршылық кеңестердің жұмыстарына жәрдем көрсетеді;

42) ведомстволық бағынысты мемлекеттік білім беру ұйымдарында Қазақстан Республикасының заңнамасында көзделген тәртіппен білім алушылардың жекелеген санаттарын тамақтандыруды ұйымдастырады;

43) ведомстволық бағынысты мемлекеттік білім беру ұйымдарының тарификациялық тізімдерін, штат кестесін, жұмыс оқу жоспарларын, сондай-ақ сынып-жинақталымдардың, олардағы топтардың санын келіседі;

44) облыстың мемлекеттік білім беру ұйымдарының кадрмен қамтамасыз етілуін ұйымдастырады және жүзеге асырады;

45) Қазақстан Республикасының заңнамасында белгіленген тәртіппен облыстың білім басқармасына бағынысты білім беру ұйымдарының оқушылары мен тәрбиеленушілеріне медициналық қызмет көрсетуді ұйымдастырады;

46) конкурстар өткізуді қамтамасыз етеді, конкурс жеңімпаздары – мемлекеттік орта білім беру ұйымдарына «Орта білім беретін үздік ұйым» грантын төлейді;

47) негізгі орта, жалпы орта білім беру ұйымдарында, мамандырылған және арнайы жалпы білім беретін оқу бағдарламаларын, сондай-ақ мәдениет және өнер, дене шынықтыру және спорт мамандықтары бойынша техникалық

және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарында экстернат нысанында оқытуға рұқсат береді;

48) облыстық әдістемелік кабинеттің (орталықтың) материалдық-техникалық базасын қамтамасыз етеді;

49) дуальды оқыту бойынша білікті жұмысшы кадрлар мен орта буын мамандарын даярлаудың сапасын қамтамасыз етеді;

50) конкурстар өткізуді қамтамасыз етеді, мемлекеттік техникалық және кәсіптік, орта білімнен кейінгі білім беру ұйымдарына «Техникалық және кәсіптік, орта білімнен кейінгі білім беретін үздік ұйым» грантын төлейді;

51) білім беру ұйымдарында психологиялық қызметке әдістемелік басшылықты қамтамасыз етеді;

52) білім беру саласында мемлекеттік қызметтерді көрсетеді және үйлестіреді;

53) облыстың коммуналдық қазыналық білім беру кәсіпорындары өндіретін және өткізетін тауарлардың (жұмыстардың, көрсетілетін қызметтердің) бағаларын бекітеді;

54) облыстың жергілікті атқарушы органына аудандардың және облыстық маңызы бар қалалардың білім бөлімдерінің мемлекеттік қызметшілерінің штат санын бекіту туралы ұсыныстар енгізеді;

55) аудандардың, облыстық маңызы бар қалалардың білім бөлімдерінің жекелеген лауазымдарын (азаматтық қызметшілерін): басшының орынбасарын, бас бухгалтерді және әдістемелік кабинет меңгерушісін тағайындауға келісім береді;

56) ауданның, облыстық маңызы бар қаланың білім бөлімі басшысының ұсынуы бойынша ауданның, облыстық маңызы бар қаланың білім бөлімінің құрылымын келіседі;

57) білім беру саласындағы уәкілетті органмен келісім бойынша облыстың білім беруді басқару құрылымын бекітеді;

58) аудандардың, облыстық маңызы бар қалалардың білім бөлімдерінің бірінші басшыларын және ведомстволық бағынысты мемлекеттік білім беру ұйымдарының бірінші басшыларын тәртіптік жауаптылыққа тартады;

59) ерекше көзге түскен білім беру қызметкерлерін көтермелейді және Қазақстан Республикасының заңнамасында белгіленген тәртіппен мемлекеттік және ведомстволық наградалармен, жергілікті атқарушы органның ерекшелік белгілерімен наградтауға, құрметті атақтар беруге кандидатураларды ұсынады;

60) кәмелетке толмағандар арасында есірткіге қарсы идеология және салауатты өмір салтын насихаттау жүйесін іске асырады;

61) білім беру саласындағы жергілікті мемлекеттік басқару мүддесінде Қазақстан Республикасының заңнамасымен жүктелетін және оларға қайшы келмейтін өзге де функцияларды жүзеге асырады;

62) заңнамада көзделген негіздер болған жағдайда, Қазақстан Республикасы Үкіметінің 2006 жылғы 9 қарашадағы № 1072 қаулысымен бекітілген Қазақстан Республикасының орталық және жергілікті атқарушы

органының заң қызметі туралы Үлгілік ережеге қоса берілген алгоритмді сақтай отырып, мемлекеттік органның пайдасына шешілмеген сот актісіне шағымдану шараларын қабылдайды.

3. Мемлекеттік органның басшысының мәртебесі, өкілеттіктері

15. Басқарманы басқаруды Басқармаға жүктелген міндеттердің орындалуына және оның өз өкілеттіктерін жүзеге асыруына дербес жауапты болатын бірінші басшы жүзеге асырады.

16. Басқарманың бірінші басшысы Қазақстан Республикасының заңнамасына сәйкес қызметке тағайындалады және қызметтен босатылады.

17. Басқарманың бірінші басшысы Қазақстан Республикасының заңнамасына сәйкес қызметке тағайындалатын және қызметтен босатылатын орынбасарлары болады.

18. Басқарманың бірінші басшысының өкілеттіктері:

1) Басқарманың жұмысын ұйымдастырады және басшылық етеді және Басқармаға жүктелген функциялардың, әкімнің және облыс әкімінің жетекшілік ететін орынбасарының тапсырмаларының орындалуына дербес жауапты болады;

2) Басқарма қызметкерлерін, сондай-ақ Басқарма қарамағындағы ұйым басшыларын заңнамада белгіленген тәртіппен қызметке тағайындайды және қызметтен босатады;

3) Басқарма қызметкерлеріне, облыстық білім беру ұйымдарының директорларына заңнамада белгіленген тәртіппен тәртіптік жаза қолданады, сондай-ақ көтермелейді;

4) Басқарманың құрылымын бекітеді;

5) сыбайлас жемқорлыққа қарсы жұмысты ұйымдастыруға және іс-қимыл жөніндегі шараларды қабылдамағаны үшін дербес жауапты болады;

6) бұйрықтарға қол қояды және Басқарма қызметкерлерінің орындауы үшін міндетті нұсқаулар береді;

7) атқарушы органдарда және өзге де ұйымдарда Қазақстан Республикасының қолданыстағы заңнамасына сәйкес Басқарма атынан өкілдік етеді;

8) оның құзыретіне жататын өзге де мәселелер бойынша шешімдер қабылдайды.

Басқарманың бірінші басшысы болмаған кезеңде оның өкілеттіктерін қолданыстағы заңнамаға сәйкес оны алмастыратын тұлға жүзеге асырады.

19. Басқарманың бірінші басшысы өз орынбасарларының өкілеттіктерін қолданыстағы заңнамаға сәйкес айқындайды.

4. Мемлекеттік органның мүлкі

20. Басқарманың заңнамада көзделген жағдайларда жедел басқару құқығында оқшауланған мүлкі болуы мүмкін.

Басқарманың мүлкі оған меншік иесі берген мүлік, сондай-ақ, өз қызметі нәтижесінде сатып алынған мүлік (ақшалай кірістерді қоса алғанда) және Қазақстан Республикасының заңнамасында тыйым салынбаған өзге де көздер есебінен қалыптастырылады.

21. Басқармаға бекітілген мүлік коммуналдық меншікке жатады.

22. Егер заңнамада өзгеше белгіленбесе, Басқарманың өзіне бекітілген мүлікті және қаржыландыру жоспары бойынша өзіне бөлінген қаражат есебінен сатып алынған мүлікті өз бетімен иеліктен шығаруға немесе оған өзгедей тәсілмен билік етуге құқығы жоқ.

5. Мемлекеттік органды қайта құру және тарату

23. Басқарманы қайта құру және тарату Қазақстан Республикасының заңнамасына сәйкес жүзеге асырылады.

Білім басқармасының қарамағындағы ұйымдардың тізбесі:

1) Абай облысы білім басқармасының «Дарынды балаларға арналған Ш. Уәлиханов атындағы «Жас Ұлан» арнайы ерлер мектеп-лицей-интернаты» коммуналдық мемлекеттік мекемесі;

2) Абай облысы білім басқармасының «Облыстық дарынды балаларға арналған мамандандырылған «Білім-Инновация» лицей-интернаты» коммуналдық мемлекеттік мекемесі;

3) Абай облысы білім басқармасының «Абай атындағы мамандандырылған мектеп-гимназия интернаты» коммуналдық мемлекеттік мекемесі;

4) Абай облысы білім басқармасының «Абай колледжі» коммуналдық мемлекеттік мекемесі;

5) Абай облысы білім басқармасының «Бесқарағай колледжі» коммуналдық мемлекеттік мекемесі;

6) Абай облысы білім басқармасының «Бородулиха колледжі» коммуналдық мемлекеттік мекемесі;

7) Абай облысы білім басқармасының «Жарма технология колледжі» коммуналдық мемлекеттік мекемесі;

8) Абай облысы білім басқармасының «Ақсуат колледжі» коммуналдық мемлекеттік мекемесі;

9) Абай облысы білім басқармасының «Үржар колледжі» коммуналдық мемлекеттік мекемесі;

10) «Абай облысының білім басқармасы» мемлекеттік мекемесінің «Облыстық инновациялық-әдістемелік орталығы» коммуналдық мемлекеттік мекемесі;

11) «Абай облысының білім басқармасы» мемлекеттік мекемесінің «Дарындылық пен қосымша білім беруді дамытудың облыстық ғылыми-

әдістемелік «Дарын» орталығы» коммуналдық мемлекеттік қазыналық кәсіпорны;

12) Абай облысы білім басқармасының «Бизнес және сервис жоғары колледжі» коммуналдық мемлекеттік қазыналық кәсіпорны;

13) Абай облысы білім басқармасының «Курчатов қаласының психологиялық-педагогикалық түзеу кабинеті» коммуналдық мемлекеттік мекемесі;

14) Абай облысы білім басқармасының «Геологиялық барлау колледжі» коммуналдық мемлекеттік қазыналық кәсіпорны;

15) Абай облысы білім басқармасының «Геодезия, картография және құрылыс жоғары колледжі» коммуналдық мемлекеттік қазыналық кәсіпорны;

16) Абай облысы білім басқармасының «Политехникалық колледжі» коммуналдық мемлекеттік қазыналық кәсіпорны;

17) Абай облысы білім басқармасының «Көлік колледжі» коммуналдық мемлекеттік қазыналық кәсіпорны;

18) Абай облысы білім басқармасының «Мұқан Төлебаев атындағы музыка училищесі» коммуналдық мемлекеттік қазыналық кәсіпорны;

19) Абай облысы білім басқармасының «М.О. Әуезов атындағы педагогикалық колледжі» коммуналдық мемлекеттік қазыналық кәсіпорны;

20) Абай облысы білім басқармасының «Аягөз қаласының политехникалық колледжі» коммуналдық мемлекеттік қазыналық кәсіпорны;

21) Абай облысы білім басқармасының «ІТ және жаңа технологиялар жоғары колледжі» коммуналдық мемлекеттік қазыналық кәсіпорны;

22) Абай облысы білім басқармасының «Рымбек Байсейітов атындағы қаржы-экономикалық жоғары колледжі» коммуналдық мемлекеттік қазыналық кәсіпорны;

23) Абай облысы білім басқармасының «Электротехника колледжі» коммуналдық мемлекеттік қазыналық кәсіпорны;

24) Абай облысы білім басқармасының «Ерекше білім беру қажеттіліктері бар балаларды қолдау орталығы» коммуналдық мемлекеттік мекемесі;

25) Абай облысы білім басқармасының «Абай облысының ерекше режимде ұстайтын арнайы мектеп-интернаты» коммуналдық мемлекеттік мекемесі;

26) Абай облысы білім басқармасының «№ 3 арнайы мектеп-интернаты» коммуналдық мемлекеттік мекемесі;

27) Абай облысы білім басқармасының «№ 4 арнайы мектеп-интернаты» коммуналдық мемлекеттік мекемесі;

28) Абай облысы білім басқармасының «№ 5 арнайы мектеп-интернаты» коммуналдық мемлекеттік мекемесі;

29) Абай облысы білім басқармасының «№ 6 арнайы мектеп-интернаты» коммуналдық мемлекеттік мекемесі;

30) Абай облысы білім басқармасының «Аягөз қаласындағы психологиялық-медициналық-педагогикалық консультация» коммуналдық мемлекеттік мекемесі;

31) Абай облысы білім басқармасының «Ақсуат ауданы Ақсуат ауылындағы психологиялық-медициналық-педагогикалық консультация» коммуналдық мемлекеттік мекемесі;

32) Абай облысы білім басқармасының «Семей қаласындағы психологиялық-медициналық-педагогикалық консультация» коммуналдық мемлекеттік мекемесі;

33) Абай облысы білім басқармасының «Аягөз ауданының психологиялық-педагогикалық түзеу кабинеті» коммуналдық мемлекеттік мекемесі;

34) Абай облысы білім басқармасының «Бесқарағай ауданының психологиялық-педагогикалық түзеу кабинеті» коммуналдық мемлекеттік мекемесі;

35) Абай облысы білім басқармасының «Бородулиха ауданының психологиялық-педагогикалық түзеу кабинеті» коммуналдық мемлекеттік мекемесі;

36) Абай облысы білім басқармасының «Жарма ауданының психологиялық-педагогикалық түзеу кабинеті» коммуналдық мемлекеттік мекемесі;

37) Абай облысы білім басқармасының «Көкпекті ауданының психологиялық-педагогикалық түзеу кабинеті» коммуналдық мемлекеттік мекемесі;

38) Абай облысы білім басқармасының «Семей қаласының психологиялық-педагогикалық түзеу кабинеті» коммуналдық мемлекеттік мекемесі;

39) Абай облысы білім басқармасының «Ақсуат ауданының психологиялық-педагогикалық түзеу кабинеті» коммуналдық мемлекеттік мекемесі;

40) Абай облысы білім басқармасының «Үржар ауданының психологиялық-педагогикалық түзеу кабинеті» коммуналдық мемлекеттік мекемесі;

41) Абай облысы білім басқармасының «Семей қаласының арнаулы әлеуметтік қызметтерге мұқтаж балаларды қолдау орталығы» коммуналдық мемлекеттік мекемесі;

42) Абай облысы білім басқармасының «Арнаулы әлеуметтік қызметтерге мұқтаж балаларды қолдау орталығы» коммуналдық мемлекеттік мекемесі;

43) Абай облысы білім басқармасының «Семей қаласының кәмелетке толмағандарды бейімдеу орталығы» коммуналдық мемлекеттік мекемесі;

44) Абай облысы білім басқармасының «Облыстық психологиялық-медициналық-педагогикалық консультация» коммуналдық мемлекеттік мекемесі;

45) Абай облысы білім басқармасының «Абай ауданындағы психологиялық-педагогикалық түзету кабинеті» коммуналдық мемлекеттік мекемесі;

46) Абай облысы білім басқармасының «Асыл Мирас аутизмі (аутистік спектрдің бұзылуы) бар балаларды қолдау орталығы (autism-орталығы)» коммуналдық мемлекеттік мекемесі;

47) Абай облысы білім басқармасының «Өңірлік психологиялық қолдау әдістемелік орталығы» коммуналдық мемлекеттік мекемесі.

Білім басқармасының есеп беретін және бақылауындағы білім бөлімдерінің тізбесі:

1) Абай облысы білім басқармасының «Абай ауданы білім бөлімі» мемлекеттік мекемесі;

2) Абай облысы білім басқармасының «Аягөз ауданы білім бөлімі» мемлекеттік мекемесі;

3) Абай облысы білім басқармасының «Ақсуат ауданының білім бөлімі» мемлекеттік мекемесі;

4) Абай облысы білім басқармасының «Бесқарағай ауданы білім бөлімі» мемлекеттік мекемесі;

5) Абай облысы білім басқармасының «Бородулиха ауданы білім бөлімі» мемлекеттік мекемесі;

6) Абай облысы білім басқармасының «Жарма ауданы білім бөлімі» мемлекеттік мекемесі;

7) Абай облысы білім басқармасының «Көкпекті ауданы білім бөлімі» мемлекеттік мекемесі;

8) Абай облысы білім басқармасының «Курчатов қаласы білім бөлімі» мемлекеттік мекемесі;

9) Абай облысы білім басқармасының «Семей қаласының білім бөлімі» мемлекеттік мекемесі;

10) Абай облысы білім басқармасының «Үржар ауданы білім бөлімі» мемлекеттік мекемесі;

11) Абай облысы білім басқармасының «Жанасемей ауданының білім бөлімі» мемлекеттік мекемесі;

12) Абай облысы білім басқармасының «Мақаншы ауданының білім бөлімі» мемлекеттік мекемесі.